

# SELECTÆ CONCLUSIONES

Ex libris Aristotelis, De Mundo,  
Cœlo, Meteoris breviter decisæ;

## 1. An Mundus sit ab æterno?

**C** Redimus mundum conditum in tempore etsi de primo initio variaret ob diversitatem quantitatis annuæ, quæ non eadem est omnibus. Quod non sit ab æterno ( etiamsi daretur potuisse esse ab æterno ) congruentiæ suædenti. Tum quia finis mundi est agnitio DEI, Hæc verò meliùs habetur, si non ab æterno conditus mundus, sic enim meliùs cognoscitur DEVS nullius rei indigens, si ab æterno potuit esse sine mundo. Agnoscitur etiam libertas DEI, quia creavit quando voluit. Tum quia aliqua monumenta antiqui ora. Moysæ extarent, & artium inventiones, mortales enim inertes fuisse, non est rationabile: atqui Moyses Gen. 4. 21. numerat artium inventores: *Jabal Pater habitantium in tentorijs & pastorum: Jubal Pater canentium in Cythara & organo: Tubalcain malleator & faber in cuncta opera aris & ferri.* Neq; Aristoteles ubiq; contrarium sentit. Nam 1. Top. 9. dicit, *quadam esse problemata Dialectica de quibus rationes non habemus, uti utrum mundus sit æternus.* Neque obstat illud veterum: *Ex nihilo nihil fit.* Imò respectu agentis infiniti debet esse actio infinitè excellentior agentibus finitis & hæc est *ex nihilo*, Neque DEUS interea fuit otiosus, Qui ipse sibi semper motus quietissimus.

## 2. Quo tempore mundus Conditus?

**V**T questio locum habeat non respectu totius mundi est movenda, semper enim in mundo alicubi est ver, alicubi hyems, alicubi autumnus, æstas, sed respectu nostri hemisphærij

misphærij Ajo in vere esse conditum. Nam Gen. 2. Visa est terra germinare herbam virentem, quod non congruit autumnò & svadetur, tum quia in vere facta Domini Incarnatio, Passio, Pascha primum, transitus per mare rubrum & alia maxima mysteria. Tum quia Eva decerpit fructum ex arbore: at verò teste Francisco le Rees hîc, nulli supersunt in arboribus sub Autumnum in Palæstina fructus ejus ingenium nimium à paradisiaco non abscedit.

### 3. Vtrum unus sit mundus ?

**P**lures esse mundos non posse Aristoteles parum piè docuit, de cælo c. 8 & post eum non Christianè Wicleffus. Plures de facto mundos völvit Heraclides, Item Pithagoræ & Orphei sequaces uti refert Plur. de placitis Philosoph. scilicet quemvis planetam, quanvis stellam esse mundum, suos homines lunam, suos Mercurium non secus ac terram incolere: nunquid enim moles Saturni quæ quadragies sexies demonstrante Lansbergio continet terram inculta & vacua mansura; Quorsum magnitudo stellarum quarum quæ sunt primæ magnitudinis Sexagies septies terram superant? An ut solùm hanc terram illustrent? at quis faciem majorem demo accendit? Accedit, hoc modo magis commendari DEI magnificentiam: magis pietatem, qui solum terrenos homines in Adamo cadere, Solares, Lunares &c. culpæ immunes servavit. Sic à pluribus DEVS coleretur. Plures mundos implebit. Pulchrè dicta, sed somnians ludibria. An enim DEVS eget spatio? An locus immensitatem mensurat? Nec est dedecens tantas faces nostræ huic terræ domunculæ radios accommodare, cum sua ministeria DEI Filius non sit didignatus: nequè illi globi vacui laudibus DEI, quibus Angeli Præsides affixi DEO perpetuam decantant gloriam; corporibus autem inhabitabiles ob tam vertiginosos rapidosquè motus tum etiam ipsa temperies admodum inimica esset incolis: quem enim Saturnus frigote; Mars astu non cœcæret? Quem luce sol non exæcæret?

### 4. Vtrum

#### 4. Vtrum eodem tempore totus mundus conditus?

**P**Hilo censuit rudis ingenii mundum sex diebus factum censere, & Moysen non nisi ob ingenium plebis ad tot dies retulisse accessit illi Procopius Gazæus, sed apud hos fuit simul lux cum tenebris, simul terra inanis & plena arboribus animantibusque, sex itaque diebus orbis constitit. Primo cœli & illorum incolæ Angeli, tum tellus & aqua: sed terra spherica ideoque nullis vallibus ac litoribus recludens aquas, quæ usque per spatia cœlo Empireo inclusa diffundebantur quibus lux quædam creata affulsit. Altero die divisæ aquæ interpositæ cœlorum corpore, qui ex iisdem facti creduntur, cum annihilari eas non decuerit. Tertio, terra undis emergere cœpit, montes protuberare, in valles excavari, in colles eniti, tum metalla enasci, lapides durescere, sylvæ frondere, florere prata, germinare: huic diei etiam paradisi adscribitur versus orientalem plagam compositus. Quarta dies solem, planetas, stellas protulit. Quintâ balanzæ in mari, philomelæ in nemore, olores in stagnis comparuerunt. Sextâ animalia terris data & tandem aspexit hæc omnia homo.

#### 5. Vtrum terra cum aqua eundem globum conficiat?

**I**Ta. Umbra Eclipsim lunarem efficiens hoc illustrat, quæ ab utroque corpore eadem semper, Ex Unitatem hujus globi, Experti qui orbem navigando circuierunt.

#### 6. Quare terra non cadat deorsum?

**Q**uia nec sursum. Tam enim pars terræ quam Antipodes premunt est versus cœlum quam nostra. Ratio autem cur neutra cadat, quia omne grave in terra solum versus centrum gravitat à centro vero violentè elevatur.

## 7. Quare terra apparet plana licet sit rotunda?

**Q**uia circulus quo major eo magis accedit ad rectam lineam, terreus verò circulus est ingens ut pote cujus diameter continet milliaria Germanica 1720. Semidiameter verò seu distantia à nobis ad infernum mill. 860. tota circumferentia mill. 5400 Quod ita se habere deprehensum est ex itinere procedendo ab Austro ad Aquilonem. Post singula enim 15 mill. Germ. elevatio poli uno gradu variat, igitur cum in circulo sint gradus 360 prodit ambitus circuli ducto hoc numero in 15.

## 8. Quæ sit dispositio terræ?

**T**ota dividitur in partes quatuor. Europam, Asiam, Africam, Americam, quæ divisio est bona etsi aliter fieri poterit. Europam mare Britannicum & Germanicum, à Septentrione, à Meridie verò mediterraneum claudit, ab oriente fluvio Tanai & Ponte Euxino clauditur, Longitudinem habet mill. Germ. 750 ab Olissipone Constantinopolim in medio instat alarum ad 600 mill. Germ. deducitur, aliàs non excedit 225. Africa à septentrione mare mediterraneum, à Meridie Oceanum Æthiopicum, ab occidente Insulas Fortunatas, ab oriente sinum Persicum habet: censetur duplò major quàm Europa, Asia ab occidente & Europa fluvio Tanai, à Septentrione Oceano Tartarico, ab Affrica Isthmo jacente inter sinum Arabicum & mare Mediterraneum secernitur. America reliquum terræ occupat, & ob magnitudinem alter orbis appellatur. Polonia incipit in latitudine à gradu 47. ad Gr. 58. in longitudine à 39. ad 57. circumscribitur verò ab ortu Tartaris & Moschis juxta Borysthenem, à Septentrione Balthico mari & parte Moschoviæ à meridie Hungaricis montibus & Valachiâ, ab occasu Silesitis & Moravijis,

## 9. An statim initio Creationis suæ totus orbis terreus illustratus fuerit?

Facta

**F**acta est divisio lucis a tenebris, sed hæc aliter fieri non potuit nisi quod unum Hemisphærium illustrabatur aliud in tenebris relictum: itaq; non fuit lux in toto simul orbe.

**10. An prior fuerit dies quàm  
nox?**

**C**ertū est tenebras universales priores fuisse luce sed ex quo lux est creata simul fuit dies & nox, scilicet in diversis Hemisphæriis. Diei tamen supputatio à nocte incipit, ita enim sacer texus loquitur: *Factus est vespere & mane dies unus* quam rationem Judæi in suis Sabathis inchoandis etiam hactenus observant, & imitatur Ecclesia dies festos à vespere incipiendo.

**11. Quis dies erat quo DEVS  
mundum cœpit procreare?**

**N**ullus. Quia nondum erant discrimina diei & noctium, Dominico tamen illud spatium responder, Quia hic est septimus à sabatho, quo DEVS cessavit ab opere, cum 6. diebus fuit operatus.

**12. An fuerint ab initio mundi  
rosæ armatæ spinis item  
venena?**

**I**sta orania sunt bona dum quis, seiat illis uti, alioqui nec ignis creari debuisset, quia arit, neq; fluvij: quia merguntur quocirca affirmativam tenemus.

**13. An costa Adæ extracta va-  
cuum in latere ejus ab ossi-  
bus reliquerit?**

**D**ocet S. Thomas costam hanc fuisse supernumerariam, eoque sine ullo defectu secuto abstractam Adamo, cui  
costa

costæ sicuti solet feminibus, materia accedebat, donec pro toto corpore Eux sufficeret. Quod ipsum confirmatur, quia Andr. Laurenti l. 1. Anatom. c. 41. totidem costas in latere virorum ac mulierum observavit, scilicet 12. proinde costa non reliquit esse spatium in latere Adami.

## 14. An Gygantea mole fuerit Adam.

**S**acer Historicus Gygantes prodijisse ut rem novam narrae, igitur Adam non fuit gygas: proceræ nihilominus stature credendus est fuisse, Nam etiam Christus Dominus 7. vel circiter pedum fuit teste Nicephoro. Unde Poëta. Terra malos homines nunc educat atque pusillos.

## 15. Quæ specialia habet Homo?

**T**ot membris constat quot annis diebus scilicet 365. de ossium numero non convenit inter Anatomicos. 2. Solus habet ex animalibus globosum caput. 3. Solus copiosissimum cerebrum. 4. Nullus hominum per omnia alteri de facie similis. licet solum. 10. membris facies constet. 5. Solus diversorum colorum habet oculos, si equum demus, nam boum omnium nigri, ovium aquei &c. & soli homini depravantur ut dicatur Strabo, Pœtus &c. 6. Habet palpebras tam inferiores quam superiores mobiles in quo solus illum struthio camelus imitatur, nam quadrupedia solum superiores, volatilia solum inferiores. 7. Soli nasus eminet. 8. Soli aures immobiles & in eadem linea cum oculis sitæ. 9. Minimè pilosus. 10. Solus calvescit. 11. Hominis crura carne abundant, omnium quadrupedum deficiunt. 12. Quadrupedia crura utroque modo contrario insectunt quam homo. 13. Sinciput humanum in infantia molle & cum annis durefcit. 14. Solus sine dentibus nascitur. 15. Solus terrestrium bipes, 16. Solus erectus incedit ut Laur. adnotat in Anatom.

## 16. An mixta animalia statim initio mundi producta fuerint?

**E**X asino & equa nascitur mulus & mula, ex equo & asina hinnus: ex hircis & ovis Tyritus, ex arietis & capra musmo: ex apro & sue hybris: ex lupo & cerva lynx: ex lupo & Panthera crocuta: ex cane & tigride Arcadici canes: ex vulpe & cane Laconici canes &c. de his censo cum Nieremb. lib. 5. hist. c. 21. Quæ cum sunt sterilia signum est non fuisse à DEO producta, siquidem his non fuit data benedictio fecunditatis.

## 17. Quomodo in Insulas remotissimas homines devenerint?

**E**st de fide Act. 17. Quod ex uno Adamo omnes processerint, devenire autem navigijs, nam olim nota fuit navigatio. Salomon enim ad remotissimas terras mittebat naves: quæ tandem intermissa ac loci in oblivionem venerunt, tum veluti de novo reperiuntur. Animalia verò aliqua ab hominibus in eas partes deducta, aliqua statim initio illis locis producta, ab Angelis deportata, plura enim DEVS ex quavis specie condidit, alioqui argumentante Aug. 12. civit. Illa species perisset cui DEVS detrahit pelles, ut formaret Adamo pellicem, per quod se ob inobedientiam agnosceret comparatum fuisse jumentis insipientibus. S. Ephrem putat fuisse ovium pelles, & ex eo Barcepha. Idem affirmat S. Hildegardis Epist. ad Prælatos Moguntinenses. Sed ut nos gratos hinc magistro nostro ostendamus Christo, juvat attingere Philosophorum errores de primo hominis ortu, Anaximander Miletius censuit ut piscem ex aqua & limo casu enatum, Empedocles ut fungum è terra, Epicurus concalescens limo uteros terræ per radices inhærentes processisse. & in ijs crevisse infantes, ab iisdemque lactatos. Zeno auctor Stoicorum ex alio mundo advenisse. Ovidius Myrmidonum nationem è formicis, Cadmæorum gentem ex dentibus draconis agro insitis. Alcinous è Platonis doctrina noluisse quidem DEVM ut homines gigneret, alioqui fuissent immortales, sed filijs suis id negorij comississe. Marcus Aurelius ex limo Nilii erupisse

rupisse cum cæteris bestijs. Talibus fabulis Nicander, Corinna & Hesiodus, id gentilium Doctores suam doctrinam superædificaverunt.

## 18. An cœli stent, moveatur terra?

**P**ythagoræ Samij quod sciam prima hæc fuit imaginatio, secuti hunc Aristarchus Samius, Philolaus, Nicetas Syracusanus, Heraclitus Ponticus. Eupantus & alij Pythagorici ex hoc dogmate templum Vestæ rotundum Numa Romanus erexit, in cujus medio ignem qui solem referret immotum, defixit. Sed jam antiquata fuit hæc fabula donec eam admirandi vir ingenij ac nostræ gloria Prussiæ Nicolaus Copernicus magis ad ingenium quàm assertionem in libris Revol. Oblatis Paulo III. excitaret. Visa est contra scripturam esse, cui omnis nostra ratio cedere debet, & censura notata Anno 1611. & 1616. relatusque liber Copernici in prohibitorum Indicem, donec corrigeretur. Ea ipsa res adversarios sedis Apostolicæ accendit, ut Pleno agmine sententiæ prorutæ succurrerent, Keplerus, Rothmanus, Gilbertus, Origanus, Lansbergius Minister Goësanus & alij, qui scripturam contra omnium veterum PP. mentem interpretati, argumenta nova aliquot adjecerunt. Sed nobis non licet esse sapientioribus, quàm patres, qui jussu Salomonis Prov. 22. 28. *Nolumus transire terminos antiquos quos posuerunt Patres nostri*, juxta receptum semper ab Ecclesia sentum verba Psalmi 103. 5. *accepimus. Fundasti terram super stabilitatem suam non inclinabitur in seculum seculi*: sed neque ex adversariis omnibus visum est scripturam ad mentem suam torquere. Nam Tycho l. 2. de Cometa Anni 1577. c. 8. Gasp. Bartholinus Danus, non jam è ministrorum vulgo. Nicolaus Mullerus Isag in tabulas Frisicas c. 1. Io Bodinus Rabbinius l. 5. Theatri penes antiquam mansere in hoc puncto veritatem. Et ratio svadet. Tribus motibus ut vult Copernicus agitara tellus, ac tam rapidè ut intra horam sub æquatore millaria maxima germanica, quorum quodvis quinquies mille passus continet, ultra 225 conficiet, ut Tycho supputat Epist. ad Rothm. Quomodo non ingens sylvarum strepitus audietur. Fluctus perpetuus, imò ejaculatio maris; domuum saltus? Quomodo globus vetus ortum explosus attinget volucrem

crem in aërem, quæ illi in momento ad 4 fere milliaria subtrahitur, globus autem hoc spatio ut observavit, Wilhelm Lantgrau Hassiæ fere medium mill. Germanicum?

## 19. An cœli sint incorruptibiles?

**M** Ateriâ eadem constare evincitur ex Patribus locum Sap. 11. commentantibus, quos referunt Conimbr, hîc Nam saltem divinitus formam potest mutare. De facto tamen esse incorruptibiles, ut PP. & Phlus hîc c. 3. nequè cometæ novi, & stellæ novæ arguunt novas productiones, sed vel ex concursu parvorum & per se non conspicabilium planetarum, quales non paucos canna Batava detexit & ita factum in Nucleo Cometæ Anni 1619 Io Bapt. Cysatus Ingolstadij observavit, qui 1. Dec. totus obscurus in modum unius corporis opaci, 8. Dec. tricorpor. 17. & seq. plurimum stellarum, sed inter eas tres illustriores, 24. Dec. plurimarum stellarum cum una illustriore comparuit: Fortè etiam stellæ grandiores habent suos epicyclos, in quibus cum sunt Perygæi nobis comparent, aliàs absconduntur, quod multi de stella quæ Anno 1572 in Cassiopæa comparuit, sensêre. Maculæ & faculæ solis in eodem corruptionem & generationem evincunt licet reliqui cœli sunt incorruptibiles.

## 20: Cujus figuræ cœlum Em-pyreum sit?

**D** Ubio calculo cœli stellati distantia ob exiguitatē parallaxeos, nullo verò empyrei (quod Bartholinus Danus Prædicans putat esse figmentum Monachorum) haberi potest, Figuræ censetur esse quadratæ ex eo quia Ioan. Apoc. c. 21. vidit Civitatem sanctam in quadro positam, verùm cum firmamentum rotundæ sit figuræ incommodè super illud quadratum collocaretur. Quocirca locus scripturæ cum Alcasar mysticè potest accipi pro stabilitate: potissimùm cum eandem Civitatem idem Ioan. vidit in monte positam, quod ad literam accipi non potest.

21. An

## 21. An astra propriam lucem habeant?

**Q**uædam astra sunt corpora opaca, alia merus ignis ut de Marte dicemus, priora lucem accipere probat, quia jam corniculata, jam plena apparent, quod in luna & Venere: est videre: quod verò varij sit lux coloris oritur ab astris ipsis: stellæ autem Eclipsim pati non possunt, cum sint altiores cono umbræ terrestris. Neq; sol est à tergo opacus ut vult Arriaga, cum cum expertissimus P. Christoph. Scheynerus in rosa urfina circa suam axem moveri observaverit semper lucidum. Luna verò cum in novilunio aliquam lucem præfert, aliquam illi congevitam sed tenuem ut cicindelæ donamus.

## 22. Vtrum solæ stellæ fixæ scintillant?

**C**rediderunt id antiquiores & per hoc à planetis distinguabant, sed aliud Recentiorum diligentia detexit & omnes Astronomos, à quibus neq; nos abimus, ad hanc sententiam pettraxit. Non Saturnus plurimum scintillat sed agitatione leni. Fulgurat multum Iupiter, Mars apogæus multum. Venus tam apogæa quam perigæa. Mercurius semper. Luna & sol tam parum ut non nisi per tubum discerni possit. Scintillationis causam optimam assignat P. Scheyner in Disquis Mathem. quod sit specierum ab ipsis in oculum delapsarum intercursio facta ab itrequieta vaporum variè affectorum intercursatione, ex quo ratio redditur cur stellæ magis scintillant sub nubilo quam puro celo, cur eadem stella horizonti propior, magis quam culminans; hinc quia Planetæ pleriq; dempto Saturno robustum habent lumen cæteris paribus minus scintillant. Omnes autem stellæ intra 36. millia annorum suum cursum peragunt, & ex hoc intelligitur S. Petri Astronomia, qui 2. Epist. 3. 10. dicit magnò imperu cælos transuros, id est circa finem mundi reliquum cæli decursuros.

### 23. Quare nihil certi etiam de corpore. nati ex astris prædici potest?

**I**N animam astra nihil agere res per se nota, circa corpus quid agant sciri certè nequit, quia & idem influxus in diversa materia diversa efficit, quis autem Genethliacorum cognovit naturam materiæ infantis? 2. Difficillima cognitu stellarum positio, quæ illo situ alterant materiam. 3. Effectus astrarum ignoti quæ nunquam ab initio mundi similem per omnia cum aliis astris habuerunt positum, hic verò non modicè activitatem variat. 4. Ignorantia omnium stellarum cum semper aliæ & aliæ inveniantur prout ars perfectionem accedit.

### 24. Quid censendum de concentu musico quem Pythagoras oriri suavissimum è cœlorum collisione docebat, imò audiebat?

**A**stensus illi & Tullius in somnio scipionis, Philo Iudæus de somnis & Plato qui ob hanc causam singulis cœlis assignabat sirenes: Imò & Iob cum dicit 38. 37. Concentu cœli quis dormire faciet: Triplex est musica ut Boët. partitus 1. Sonora quæ in illis esse non potest cum sint liquidi. 2. Symmetrice inter se partium quam probabiliter Pythagoras intellexit & non ab omnibus percipi dixit. 3. Politica quæ consistit in recta coordinatione superiorum cum inferioribus. Alium concentum varij sed conatu vano quæsierunt, uti Kircher Musurgicæ lib. 10. reg. 2. per 10 folia deducit; hæc ergo duplex posterior in cœlis reperitur.

### 25. Quæ sit natura planetarum?

**Q**uò magis versus lunam quis ascendere, minores noctes experiretur, quia semper conus umbræ terræ qui facit umbram attenuatur. Si quis verò lunam conscenderet retinque despiceret hanc esse lunam putaret: maculæ viderentur nubes

nubes & partes clariores & nivcs, dentata superficies propter montes: Europa specie hominis appareret, cujus caput Hispania, pectus Gallia, reliquum Germania & Polonia, brachium dextrum Italia, sinistrum Anglia, cor Africa tota. Asia verò conspiceretur figurâ calicis, India linguæ exertæ specie. In luna maculæ sunt radij solares ob eminentias montium lunarium variè impacti, montes etiam umbris suis augment naves. Non enim luna est perfectè polita, rotunda: nam si esset sol in ea summè splendens veluti in punctum collectus appareret, adeoque nec videri è terra posset nisi fortè ex uno loco. Id enim in speculis nostris sphericis experimur, Sydus Veneris & Mercurij eodem modo montibus scabrum, hujus globus circa suum axem intra 6. horas revoluitur. Sol verò est quædam veluti fornax cupraria profundens versus omnes partes ac eructans stammæ, fumum exhalans lucidissimum, ex quo maculæ & faculæ in sole consurgunt & interdum Cometæ. Si quis ex mente Kircheri solè vellet circuire etiam si quotidie millaria horaria 10 conficeret indigeret 19 annis. Sol circa axem proprium circiter intra dies 27 recurrit ut sic ex omni illius parte influxus in terram diffundantur, Intra diem conficit leucas horarias 69143. Mars verò est veluti mons piceosulphureus undiq; mixtas fumis eructans flammæ. Iuppiter globos 4 tanquam satellites circa se tripudiantes in comitatu habet: qui cingulus in ipso apparet, est montium catena circumagiitur circa suum axem intra horas 284. Saturnus ob imensam montium protuberationem magis rhombi quàm globi faciem exhibet, habet etiam suos comites, qui aliquando in idem corpus cum Saturno videntur coalescere, aliquando in figura pyræorum comparent, interdum ansulati ac instar forficum globum Saturni continent, quod evenit cum partes eorum à corpore Saturni teguntur. Polus nullus est realis, quia coeli sunt liquidi.

## 26. Qui sunt altissimi in terra montes?

**O**lympus in Thessalia dicitur nubes excedere, ut in ejus arenis inscripti characteres post annum se exhibeant, sed cum mensus Xenagoras invenit altum stadia 10 cum sextante. Alpes Gallorum Italiæq; limites Plinio alti ad 50 mill. Ital. sed hoc pugnat cum experientia, Pyrenæi sepatant Gallos

ab Hispanis sed non sunt adeo notabilis altitudinis. Carpathus longior quam altior Polonos ab Hungaris dividit. Caucasus solum ad 4 mill. Ital. altum putat P. l. h. Tenariffa mons in Canariis Insulis conspicitur ex mari à distantia 80. miliarium horariorum quorum uni tribuuntur pedes Geometrici 17200. qualium in uno mill. Ital. reperiuntur quinque mille seu passus mille, hunc montem narrant Hispani ad 60 mill. elevari sed ex apparentia ejus ab altitudine tanta deficere demonstravit Snellius in Eratosthene ubi ostendit debere solum esse 92 mill. Ital. & hoc plus justò si habeatur ratio refractionum. Nullus deniq; mons excedit 52 mill. Ital. seu Germ. 12. ut demonstrat Vitellio & Albaten, Tycho & alij ac potissimum Dicæarchus, qui teste Plinio plurimorum montium exploravit altitudinem. Ex quo conficitur supremam regionem aëris hanc distantia à terra incipere & cum nondum omnium montium altitudo perspecta nihil posse definiri.

## 27. Quantum aquæ respectu terræ occupent ?

**C**ommuniter censent Cosmographi ferè mediam terræ superficiem, à quibus non est recedendum, sed corpus aquarum ne quidem centesimam partem soliditatis terræ constituit, etsi daremus pro energia computi molem terrestrium aquarum esse ad 7. mill. Ital. ubique æquè profundam, cum tamen vix uspiam Italicum mill. profunditas excedat. & Bapt. Benedictus epist. ad Horatium Murum scribit, se à nautis didicisse Oceani profunditatem non assequi medium Mill. Ital. imò docet Fromondus etiamsi aqua circumfundaretur ad 500 mill. Ital. tamen quia globi terraquei semid. Ital. mill. 3500. Ergo adhuc terræ se habebit ut 12 ad 7 ac proinde superficies aquæa terræ suppar sed non soliditas,

## 28. An cœli sunt solidi & quot numero ?

**N**omine cœli scriptura intelligit aggregatum ex aëre & æthere, sic volucres cœli appellat. sic catarractas cœli apertas. Numerum verd cœlorum colligere ex diversitate motuum, vanum, si cœli liquidi: & hæc est sententia nostra, pro qua Scheyne-

Scheynerus in rosa Vrsina ferè totam antiquitatem adducit. Es-  
 certè in opposita sententia non est modus salvandi varietatem mo-  
 tuum sidereorum, cum Mars nunc infra nunc supra Jovem, Sa-  
 tellites Jovis & Saturni nunc inferi nunc superi, nunc planetæ ter-  
 ris admoti, nunc ab ijs remotiones, quæ variata in sole est ad  
 semidiametros terræ 18. Deinde nunquam loco proprio astra vi-  
 deremus ob refractiones, quæ diversæ accidunt in medijs raris &  
 densis, sic etiam quoad visum distantiam stellæ variarent. Cum  
 verò dicuntur esse apud Job. 37. 18. *Solidissimi quasi ære fusi*, di-  
 ctum arrogantis Juvenis Eliud & ignari refertur, qui multa in-  
 epta in Jobum effudit; alibi cum firmitas cœlo adstruitur, ut 2  
 Paralip. 6. 33, de cœlo Emphyreo recipienda. Tres verò sunt cœli,  
 qui juxta numerum planetarum computari non debent, essent e-  
 nim plurimi. Quia magis scriptura consonat, quæ ait Paulum  
 in tertium cœlum raptum, illud ergo si emphyceum, adum plane-  
 tarium, & primum nostri aëris.

## 29. Quantus sit sol?

**N**on est diametri pedalis alioqui in æquinoctio intra 12 ho-  
 ras diei tantum 750 pedes per diem decurreret, & cœlum  
 totidem pedum solùm vastitatem haberet, nam dum lim-  
 bus solis è mari incipit apparere, si ecliphydram vertas donec to-  
 tus emergat, quod pulveris effluxit, 750 vicibus per 12 horas ef-  
 fluet & refluet. Major est etiam quam terra, quia si esset æqua-  
 lis umbra ejus noctu, esset cylindrica, ac nunquam delinendo in  
 stellas incurreret, multò magis si minor esset. Kitcher itaq; mil-  
 lies asserit majorem terrâ, quo colligi potest ex extremitate coni  
 umbrosi à terra projecti, ubi ille evanescit. Sed ut ab illo non  
 procul velimus abire ita negamus quidquam præcisè posse  
 asseri.

## 30. Quid ex astris licitum præ- dicere?

**S**uperstitiones Astrologicas Papa Sixtus V. Bullâ anni 1585  
 damnavit, incipit *Cœli & terra creator*. i. ost hanc tamen  
 Bullam licitum non solum tempestates, sterilitates & fec-  
 unditates terræ, sed etiam considerando nativitatis punum,  
 tempera-

temperamenta & propensiones hominum prædicere: ita Abbas  
c. 2. n. 7. de fortilegis. Cajet. 22. q. 95. a. 5. Suar. tom. 1. de  
Relig. l. 2. de superstit. c. 11. a. 8. ad 11. Sales 1. 2. q. 9. a. 5. tr. 5.  
d. 2. In ordine ad medicinam licita & utilis observatio astrorum  
ut de Phlebotomia, balneis, sumendis medicinis, ovibus ton-  
dendis, quæ teste Varrone melius tondentur crescente luna, de  
quibus S. Thom. l. 3. contra gentes. c. 85. & opalc. 28. art. 4.  
Hæc enim directè influxum astrorum percipiunt.

### 31. Quando mundus finem habiturus?

**C**uriosa quæstio sed cui nihil è libris naturæ reponi potest.  
Non ex motibus cælorum, nam communi persuasione  
priùs mundus finiendus quàm cælorum omnium revolutio,  
quæ eget 30000 annorum. Afferit quidem finem mundi futurum  
fuisse Anno 1656 Redemptus Baranzani 1. p. dub. 10. Quia  
totidem anni ad diluuium elapsi; sed his argumentis satisfacit  
mundus ipse. Alij colligunt ex revoluzione S. Malachiæ Archi-  
episcopi Ardinacensis, qui symbolicè Pontifices Romanos à sua  
morte successuros, id est ab anno 1148 ad finem mundi descripsit,  
ab ejus autem morte inclusivè ad modernum Alexandrum 83 ve-  
ritatem prophetiæ approbârunt; supersunt verò 29 quorum ulti-  
mus Petrus 11. Ex quo sic quidam arguunt, demus quod quisq;  
horum ætatem S. Petri in Papatu id est annos 25 attinget: tum  
ultra 740 annos mundus non est duraturus; jam verò per annos  
100 à Confirmata Societate IESV pontificatu functi sunt 15, ergo  
intra 200 annos 30 Pontifices. Rursus ab initio prophetiæ 83  
Pontifices annos 318 impleverunt, ergo ducta proportione 29  
Pontifices implebunt annos 181. Quocirca audiendi Ss. Aug. e-  
narrat in Ps. 6. & 89 & Cyril. Ierosol. cat. 15. Chrysoft. hom. 9.  
in 1 Thessal, qui nec sæculum quidem sciri posse concedunt, &  
presumptuosè aliquid in hoc negotio asserentes, Beda de rat.  
temp. dicit esse frivolos. Quia hanc sibi nōitiam reservavit  
DEVS Matth. 24. 36. Marc. 13. 32. Act. 1. 7.

### 32. Vtrum coruu Monocerotis inter Meteora referendum?

**M**ulti dari Monoerotem dubitârunt uti S. Ambr. de bened. Patriar cap. 11. pag. 270. Paræus, sed conformius est factæ scripturæ dari, cujus proprietates ponit. Num. 23. 22. Lud. Vartomanus cum vidit l. 1, 1, navig. c. 19. in Mecha felicitis Arabia urbe cratibus inclusum staturâ grandis equi, capite cervino, jubâ equinâ sed modicis cruribus & macilentis, caudâ scillâ: Cornu ejus fuscum instar cervini describunt Plin. Elian. Boët. Cardan. intus verò candidum rectum instar cochlear in spiras convolorum desuper, caritate nullâ, longitudine varâ subinde trium cubitorum, tale Parisijs in templo S. Dion. asservatur crassitie exili ut prope caput digitis primis ambi possit, 7, magnos pedes longum & hoc censeret maximum omnium rarissimum & magno pretij. Sed hoc cornu nihil habet virium contra venena, unde fabula est illud sudare præsentem veneno, aureo circumscriptum arane in rumpi, quod verò ebulliat in aqua id præstant omnia sicca, experite si placet in creta, argilla &c. ita Medici qui ex professo de hac re Laur. Iobertus, Ludov. Mercurialis, Ambr. Paræus, Anf. Boët. Gesnerus, & pro magno argumento habent, quod nusquam Galenus illud in medicinis numeraverit.

Tandem cornu specie saxæ in effoditur ita Boët. Garzias, Casalpini idq; passim in Germania, Moravia, Helvetia ubi etiam è sodinis ossa animalium, dentes tibi maxillæ aliquando & integra animalia, quæ etiam cum franguntur inquit Alb. M. de rebus metal. l. 1. tr. 4. c. 9. intus habent viscera saxea. Huc spectat quod Leonardus Thurneisser in Pisone Germ. l. 7. c. 84. narrat effodi ex terra in Marchia Lusatia Thuringia ollas tam affabre formatas cum manubrijs & strijs ut etiam in Polonia minore acsi tornate essent manu artificis, formis & figuris varijs, idem attestatur & Gesnerus de fossilibus l. 1. fol. 8. ex quo confirmatur narratio de cornibus fossilibus. Talia cornua sunt vera saxa, tale Alb. M. mensus longit. 10. pedum, basis in diametro sex quipalmi erat, talia ossæ saxa sæpe appenduntur locis publicis veluti gygantum, cum sint lapides pumicosi etiam è montibus.

Magnitudo eorum variâ, plerumq; sunt incurva sæpius exterius dura, intus molliora, friabilia, facillè fragilia, linguæ appositæ firmiter adhærent, odoris illius quem habet lac amygdalis mixtum, colore intus albo, exterius flavo aut cinereo, albo, sulfureo, vires summas habent contra venena: dosis drachma una, corroborat

roboret, non omnia tamen earundem sunt virtum; meliora quæ molliora, & quæ linguæ facilius adherent, & quæ odore se commendant. Imò etſi non ſunt forma cornu, ſed referant lignum aliquod, iuvat contra ſyncopen, cardiacã, Epileſiã, vermes puerorum, ſanat ulcera. Ita Bart. cum plurimis medicis. Hoc ergo ad meteora reducunt quidam, ſed immeritò cum ſit mixtum perfectum.

### 33. Quare prius coruſcationem videmus, deinde tonitrua audimus?

**V**itruq; eſt in eadem nube, ſed ſpecies viſibiles aut lux quaſi inſtanti propagatur, idcirco eodem momento ſit, ac viſu percipitur, ſonus aut ſpecies ejus feruntur ſucceſſivè criſpando aërem, & tardius perveniunt. idcirco miles ſtultè fugit iſtum audito ſelopi ſono, ſed conſpecto igne adhuc eum evitare poteſt: citiùs tamen ſonus pervenit quando pulvis pyrius forrior, quia magis aër impellitur: & idem eſt in fulmine, cujus ſi ſit major fragor, poſt unam vibrationem arteriæ auditur; (micat autem arteria intra horam 4450 & toties ſerè respiramus: hinc intra horas 24 ſeu diem aliquis in DEO ſuo respirare poteſt Philotheus 10 6800.) Si fulmen ſine pluvia cadat, languidiùs ferit, & tardiùs ſonus pertingit, ſi cum pluvia utrumq; evenit modo contratio tantùm prodeſt anti-periſtaſis, tardiùs tamen ad nos tormenti bellici ſonus venit quàm fulminis, quia per aërem denſiorem fertur regionis infimæ. Hinc deduc verum eſſe, nominero fulmine tangi qui prius ejus ſonum audierit.

### 34. Quæ magnitudo ſoleat eſſe cometarum?

**C**ometam anni 1577 Tycho demonſtravit ſerè bis minorem lunã in diametro habuiſſe mill. Germ. 550. Anni 1475, Regiomontanus in diametro mill. Germ. 26. ſed illum Tycho cenſet erraſſe. Longitudo caudæ in cometa Cysati mill. 38 2700. Varij ſunt itaq; quod effectus attinet: Claud. dixit nunquam celo ſpectatum impune cometam, & Græcorum ver-

ſaculus

ficulus fuit instar axiomatis receptus. *Nullus cometes qui malum nullum ferat.* Collegit catalogum eventuum Tragicorum qui secuti cometas viginti quatuor, Nic. Causinus l. 3, de domo DBI c. 12. Paracellus more suo Philos. l. 2. fabulatur eos à fato singularum personarum procudi, illustrem quidem à fato illustrium personarum: caudatum à fato Ecclesiasticorum, rudem & crassum à fato rusticorum. Campanella in l. 1. Astrol. jubet observari colorem, magnitudinem, splendorem, formam, diurnitatem, situm, locum, motum, habitum ad solem & mundum & ex his conjecturas sumi. Scalig. acer ille Cardanomastix exerc. 79. n. 2. nihilominus ait: *Multi à nobis cometa visi, quos nulla usquam tota in Europa subsequuta est pernicietas mortalium: & multi clarissimi viri suo fato sunt functi, multi eversi principatus, pessumdata familia illustrissima sine ullo cometa indicio.* Sed placet sententia Cysati anni 1618. in parefgo concludere. *Que calamitates cui regioni, quibusve intendentur, vanum & temerarium est asseverare, nisi quis ostendat divinis consilijs se interfuisse.* Nobis secutis S. Damasc. l. 2. de fide c. 7. Certum est, eos assumi à DEO ad ferendos mortales?

### 35: Quantam partem terræ unus ventus perflet, seu quam latè feratur?

**V**ITRU l. 1. c. 6. Diviso orbe terræ per horizontem naturalem putabat quartam partem terræ perfletari, sed rectius computavisset ab horizonte visibili nostro hunc quadrantem eo computando, habuisset enim modernorum nautarum pro se experientiam. Sed horizon prout aliquis assumit altitudinis insistentis centro illius inæqualis est, major altiori. Proclus tamen respectu staturæ virilis eum extendit ad 125. mill. Ital. sed excedit. Dan. Barbarus ad medium hujus, Macrobius in somnio scip. ad 222. mill. cui consentit Alhasen l. de crepusculis, sed moderni nautæ ad 6, Belgica, seu 18. Ital. qui etiam unam leucam seu tria mill. Ital. uni vento in latum assignant, quæ sententia ut in experientia fundata præferri cæteris debet.

### 36. Quam procul ventus possit procedere? Ven-

**V**enti sunt exhalatio sicca è terra confurgens in altum & rapiens secum aërem ac inde in terras obliquè cumulatim decidens, humore subinde inficitur à locis quos transit. Exhalatio verò debet è terris oriri sed resolutis ab aquis, idcirco ut scribit Jos. Acoftá l. 3. hist. Ind. c. 8. quò propiora littora, eò validiores esse in mari ventos: quo ipso argumento Columbus ultra mare Anrlaticum quæfivit & reperit terras, quia inde advertit spirare ventos validos: idcirco etiam post pluvias venti confurgunt, quando terra resolvitur. Ad quæsitum respondet Macrobo. l. 2. somnij c. 5. Austrum ab uno polo usq; ad alterum pervenire, sed contra experientiam, itaq; cum distinctione dicendum. Ventos qui sunt leviores decidere obliquius, ideoq; longius spatium decurrere: graviores verò ex alto cadendo propius accedere perpendicularem: quæ est ipsa doctrina Aris. hic l. 2. c. 4. ubi docet Austrum longius fluere quàm Boream. Plin. Æthnæ cineres ultra 150. mill. Ital. adnotavit ventis provectos, itaque tam procul ventus progredi potest, sed processu debilitatur, ideoque venti languidiores inveniunt se majorem peregrisse peregrinationem.

### 37. Quomodo se habent æstus in mariè

**I. N**on omne mare patitur æstum. Non æstuat Mæotis, Pontus, Propontis, Caspium neq; nostrum Balticum. Mediterraneum æstuat, Siculum verò bis de die. Adriaticum Venetijs ad duas orgyas attollitur & detumescit, Oceanus totus affurgit & quidem ubi Britanniam aluit test. Plin. l. 2. c. 97. ad cubitos 80. Iam verò Oceanus occidentalis magis æstuat quàm orientalis ita, ut fluvium Naragnonem seu Amazonum ad 100. leucas retroagat, fluvium Indum instar torrentis ad 30 leucas rejiciat: quem æstum Curtius l. 9. describit & in eo discrimen Alexandri: in Belgio etiam Scaldis, Bætis in Hispania, Garumna in Aquitania, & aliqui fluvij in Lusitania. Tamisus etiam in Anglia & quidem ad 50 mill. versus ortum suum repellitur. Hoc modo verò dicti æstus fiunt, dum luna oritur in horizonte aquæ incipiunt crescere, & crescunt donec luna attingerit meridianum coeli circulum, tum se rursus demittunt, usq; dum luna oceumibat à cujus occalu rursus increfcunt donec meri-

dianum subalternum luna ingressa fuerit, à quo incipiunt descen-  
dere. Excipiuntur ab hac generali regula aliqua maria sed pau-  
cula: & hic est æstus diurnus. Alter est menstruus. Nam à  
novilunio usq; ad primam quadram quotidie minores ac minores  
sunt æstus, à prima quadra ad plenilunium sensim majores ut  
maximus sit æstus ipso die plenilunij, à quo ad ultimam quadram  
quotidie minuuntur, à qua deinde quotidie affurgunt ita, ut in  
novilunio & plenilunio sint maximi. In æquinotio etiam utro-  
que maximi, in solstitio æstivo mirescit mare, sed non in hyberno;  
item cum luna moratur in Borealibus signis tumidiores æstus  
quàm cum in Austrinis. Hæc nota ab experientia, sed causa  
tamen in lunam rejici debet ut in causam remotam, quam tam  
certo sequuntur æstus, ut nautæ in scopulis horarum notas de-  
signent, quas, ascensu suo aqua indicet. In proxima causa assi-  
gnanda, sequimur Kircherum, qui regurgitationem maris assi-  
gnat; hæc enim lunæ cursum subsequitur tanquam Dominam ac  
Præsidem aquarum.

### 38. Quod flumen maximum?

**R**es in incerto cum non omne inspexerimus. Arist. Indo  
primas tribuit qui 6. mill. Ital. in latum habet, sed illi præ-  
fert Arianus Gangem. Virgilius Padum celebrat, alij  
Nilum. Sed fluvius Amazonum his omnibus quos novimus præ-  
serti debet, qui 70 leucarum distantia distitas ripas implet. Sup-  
par illi fluvius Argenteus, & fluvius S. Magdalensæ, qui tanto  
impetu in mare invehitur, ut intra decimam leucam aquas dul-  
ces propinet.

### 39. An sint telæ araneæ illa filamenta quæ per agros apparent?

**A**pparent illa potissimum in Autumno instar telarum araneæ,  
sed telæ non sunt verum vapor percoctus terrestribus ac  
viscosis exhalationibus concretus, minus adhærens quàm  
tela araneæ. Quod verò hoc tempore potius appareant, causa  
est quia postulant calorem temperatum & siccitatem, quem po-  
tius

nus istis temporibus inveniunt, quod Vere non ita multa conspiciuntur, atq; in Autumno causa est, quia exhalationes non relinquunt tot ac tantas hyems veri, sicut æstas Autumno.

## 40. Quod manna sit meteorum?

**N**on nostrum quo veluti pulve vescimur, & quod seri potest, sed illud quod est ut Galenus loquitur, mel aërium, roscidum, quod ex arboribus decurrit, imò est succus dulcis pinguior ac densior melle, ex rore & exhalatione florum percoctus in infima regione aëris, nocturno frigore densatus, invenitur potissimum in fraxino & ilia, imò & in saxis & ita quidem ut si arbor linteo tegatur, non in linteo sed in arbore manna comparabit, ex quo argumentum confurgit, arborem ad ejus generationem conferre. Datur in medicina ad purgandum corpus.

## 41. Quæ sit origio fontium & natura?

**P**urissimi fontes non puris fluunt aquis, sed continent quiddam mixtum: ita fons in Aruverniam apud Gergoviam postquam aliquamdiu instat aquæ fluviolum profundit eum ipsum in lapideum cogit: alij fontes redolent vitriolum, alij salem, alij reddunt venena: aliqui ardent, quales sunt non pauci in Pyrenæis ad civitatem Aquentem: aliqui ita fervent, ut omnia esculeta sibi injecta perfecte concoquant, imò in aliquos in pago Dax in Gallia inter montes prædictos si bos vivus injiciatur, subito in pollinem redigitur, solis ossibus enatantibus. Fontium originem ad crateres quosdam saxeos sub terra quidam referunt, qui implentur dum mare æstuat, & aquas largiuntur per quædam epistomia; sed quis credat eos crateres reperiri in illis partibus, ubi neq; petra noscitur aut saxum grandius, & tamen fontes manant? Deinde illi crateres, in quibus hæc sententia vult aquas ab ignibus subterraneis incallescere, quis credet non debuisse exuripidem in calcem? Melius dicitur aquas subterraneas resolutas in vapores ascendere, & à frigore terræ rursus in aquas densatas fluere. Aquas esse sub terris copiosas docet Moyses Gen. 49. & Deut. 32. ex Græcis Homerus Iliade 6. attestatur per experientiam, Agric. in Berm. Quod verò fontium origo sit vapor, & pro

hoc est experientia metallariorum, qui ubi ad fontium capita fodiendo perveniunt, nihil nisi lapides rosidos & terram humentem reperiunt teste Fromondo in meteor: miracula verò fontium hoc modo possunt explicari. Variæ metallorum exhalationes & semina cum vaporibus aqueis assurgunt, & illis se immiscet, & illis immixta fontes varios efficiunt, nam contra experientiam asserunt, qui dicunt idem metallorum naturam fontes assumere, quia per mineras fluunt, producta est fossio usq; ad initium horum fontium teste Petro Io. Fabro in hydrog. spag. & nihil metallorum repertum, imò idem ait ibid. si antimonium, quod maxime aquas reddit medicas, crudum imponatur, aquæ etiam tepidæ etsi in ea diutissime jacuerit (multò minus aliud minerale) nullas vires ei communicabit; solum enim vinum ex antimonio vires exlugit. Hinc fontes aliqui injectis baccis gallæ nigrescunt, quia vitrioli exhalationes continent: alij ardent, & hoc præstant cuprei spiritus immixti ammoniacis: alij lapidescunt, quia etiam in alembico lapis ex aquis aliquibus formari potest teste Paracel. quibus glutinositas terrea inest; alij candelam extinctam accendunt, qui petrolei spiritibus præditi: alij alias virtutes habent ob spiritus immixtos variorum mineralium. Quando verò copiose aquam montes ac statim flumina effundunt, tunc plurimos intra montem fontes in unum derivasse aquam, censendum erit.

## 42. Circa quædam notabilia in Mundo decisiones?

**O**lea, ficus, quercus emittit sine flore fructus. Flores autem sine fructu iris, jesseminum, Narcissus. Florem eundem & fructum thymus. Facit hoc in prioribus succi crassities, in secundis magna tenuitas, in tertiis moderata temperies, nam fructus ex crassiore succo, flos ex tenuiore.

Comperitur est aliquando lues ita pinguefactas, ut intra earum adipem viventium mures fuerint stabulati, aut saltem pabulati. Licet enim vegetetativa anima omnes animet partes, non omnes sensu donat.

In Malabar feles inhabitant arbores, habent alas instar vesperilionum membraneas, Lusui hoc naturæ debetur.

Ubi Cinnamomum, Zingiber & Catiophilum nascitur ibi

nume-

numerofissima venenata. frigida sunt venena, grata est illis aspiratio calidi.

Anno 1511 Maximiliano Imp. presentatus unus, qui integrum vitulum crudum, & ovem crudam absumpit nec dum fuit satur. Sotus in Phys, in talibus cibis statim exhalat per poros. & temperies stomachi fuit diversa à nostro.

Didacus Olorius Hispali conjectus in carcerem homo juvenis unâ nocte incanuit. Tam subito calor ferè totus ad intima aufugit: canities enim est veluti pruina quædam.

Puerum unum 57. annis dormivisse refert Plin. 7. c. 52. Copia materiæ fecit.

Theridatem Armeniorum Regem persecutorem Christianorum mutatum in porcum, narrat Surius 30 sept. Vindictæ opus divinæ.

Olucerus Caraffa Card. Rosarum odorem pari non poterat, & custodias apponebat; nequis rosas inferret. Humor positus in Organo odore exasperabatur.

In regione Camara inveniuntur Harpyiæ virgineo vultu aves, quæ transeuntes viatores unguibus abripiunt ut Milvus passeret, aded non est fabula Harpyjas dari.

In Insula Caspij maris reperiuntur Leones humana facie, a quas ingrediuntur & pisces venantur. Amphibiorum est species.

Imprecatione S. Natalis Abbatis est quædam familia quæ mutatur in lupos. Nieremb. in Nabuch. Id DEI pænæ tribuendum, qui partim Phantasiâ immutat, partim superinducit pellem.

S. Aug. l. 4. civ. c. 24. Noverat unum qui sudabat quoties veller alterum qui flebat. Musculos habebant robustiores & in potestate poros.

Stengel l. de monstris Italiæ c. 5. narrat, in Tyroli fuisse Juvenem cui crescente lunâ caput bovis cum cornibus ex ventre crescebat, decresciente decrescibat. Copioso humore præditum fuit, qui lunæ subest.

Pisa in Novilunio nata nunquam florere desistunt. Tenzelius. Quia succus nimium diluitur venulæ tenues formantur ut crascescere non sinant.

In solstitio olea, tilia, populus, alnus, salix, folia circumagunt; Quia venulæ contrahuntur, & arescere incipiunt.

Oriente sytio stellâ, avis parva nusquam comparat usq; ad ejus occasum inimicum ejus temperamentum fugit.

Lunaria herba quot dies luna à novilunio recedit tot folia producit & eâ recedente à Plenilunio totidem rejicit. Humor incrementum folia producit, decrementum arefacit, quod Lunam imitatur.

In Austria fuerunt gemelli qui applicatis lateribus ad portas, seras aperiebant. Goelen in Mag. Idem fit in herbis quibusdam quæ resoluunt ferri durtiem,

Trifolium Coctum mortis à vipera dolorem tollit, si vero sanis imponatur eum dolorem infert, acsi essent mortui. Galen. de Theriaca ad Pisonem. Quia non invenit adversarium in sanum corpus agit.

In Helvetijs quidam murem, felem, canem, avem assvescivit ut ex una pranderent scutella. Drex. Aurif. part. 206. Ita natura obedit arti.

In provincia Vochon sub ditione magni Cham in Campstribus Pamer aded frigus est ingens ut vim ignis tepimat nec aded fortiter lucere valeat, sicut alibi: & difficillimè illo aliquid coqui possit. Marcus-Polus l. 1. c. 28. Quia cavernæ expirant frigus, nec sol accedit.

Ex lapidibus in regno Neapol. etiam fungi crescunt intra dies 14. aquâ tepidâ inorati. Scal. 137. Ille lapis seminium habet fungorum.

Dantur plantæ quæ comedunt gramen. sunt Zoophyta:

Sunt aliqui loci in quibus vulnera certis membris non sanantur ut Avenione & Romæ crura: facit adversa exhalationum temperies.

Corpus hominis sani levius est tribus libris aestate quàm hyeme. Io. Iouston. Thaumato-graph. Quia apertis poris plus expirat, hinc levitas: clausis minus, hinc gravedo.

Sunt Gentes quibus difficilè curantur vulnera in certis membris ut Gallis in capite, Anglis in crure Fr. Verulam, in Sylva sylvarum, Temperies corporis vinosior in illis est membris.

Bene munitus vestibus hyeme est minoris ponderis quàm nudus. Sanctorius Iustin in medicin. static: Id in pororum apertionem rejiciendum, quibus parentibus majora expiria.

Dum nullus est ventus ventilabra domorum respiciunt occidentem. Verulam de Ventis. Id in maritimis magis contingit, nam mare ab ortu refluxens auram secum trahit.

Pondus corporis augetur initio Autumni, minuitur initio Veris. Sanctorius. Pororum hiatus illud clausula hoc facit, tempore

Quiescus

**Quercus** tot habet radices quot ramos, **Natura** tam vivaci  
plantæ seriam providit **Oeconomiam**.

**Canis** nunquam corpore, sed solum lingvâ sudat. **Densi-**  
or enim pellis; lingua rarior.

**Quò** major sylva, eò plures arbores necesse est totidem esse  
ramorum, totidem foliorum, & radicum. **Quia** plures sunt  
arbores quam cujuscunq; folia.

**Pirrus** Rex Epirotarum unicum dentem habuit. **Hercules**  
triplicem ordinem dentium. **Andr. Laur.** in Anal. materia ossis  
exuberavit. **In** silesia cum aureo dente natus. **Quia** halitus  
fodinarum è vicino accessit.

**Idem** vas plus capit liquoris in profundo cellario positum,  
quàm in monte. **Humor** arcuatim assurgit, in profundo arcus  
propior centro terræ magis inflectitur & attollit humorem.

**Statua** Nabuchodonosor habuit duorum cubitorum nasum.  
**Nam** erat 60 ulnarum, nasus est pars trigesima.

**Si** quotidie quis conficeret mill. Germ. 6. circumiret terram  
intra annos 2. dies 170. **Nam** ambitus terræ est mill. 5400.

**Nullus** mons terream rotunditatem magis variat quàm ver-  
ruca hominis figuram: nam erli esset in altum unius mill. Germ.  
tum haberet te respectu terræ ut i. ad 265 693 3884 qui est nu-  
merus amplitudinis in mill. explicatus ac proinde minor quàm  
granum siliginis respectumodij.

**Cæsaries** Absolonis pendebat 8 libras, tot faciunt, sicli  
reducti ad libras.

**In** mari è fragmentis navium primò sunt fungi albi, post alæ  
pedesq; accrescunt tum avolant aves. **Nieremb.** In regno Mar-  
rochi ea vastitas Balænarum ut infra costam. **Maurus** Camelo in-  
sistens libere neq; curvato corpore transire possit in quo **Natura**  
suam ostentat magnificentiam.

**Magnes** presente adamante non trahit ferrum & si traxit  
demittit. **Scal.** exer. 112. & hæc inanimis species agnoscit Regem  
cujus adversos veneratur spiritus.

**Est** arbor in Insula Cimbabon, cujus tam si in terram deci-  
derint, ambulant & tactum fugiunt. **Exerc.** 112. inter Zoophy-  
sta numeranda.

**In** Natniensi agro tellus siccatur imbribus, æstu humescit  
**Plin.** l. 31. c. 4. facit raritas absorbens, æstus vero resolvit humo-  
rem latentem in vapores & sic humectat.

**Voces** radicales latinas **Varro** numeravit 500 000. **Ex his**  
antavolumina. **Paulus**

Paulus IV. Papa Biblia tota verbatim è memoria promebat, & anno ætatis 83. è Tullio, Virgilio aliisq; authoribus integras paginas inoffense recitabat. Ios Scaliger uno & 20 diebus totum Homerum memoriæ mandavit. Ilias autem continet versus 31670, vix pauciores Odyſſea Idem omnes Pœtas Græcos intra quatuor menses edidicit. Fecit pulchra temperies cerebri.

Miracula divina quæ certis diebus ante correctionem Calendarij eveniebant, eo correcto, diebus decem tardius contingunt, Th. Bozius de signis Eccl. l. 15. 10. ex quo patet illa prodigia ab altiore mente fieri.

### 43 Quæſita quædam de mundi contentis ſoluta?

**A**N verum eſt remoram piſcem naves ſiſtere? ſyres & æſtus horarij ſiſtunt, expertus id Kircherus, in mari Siculo ubi remoram narrantur plurimæ.

An lupus quis conſpecto obmutefcat? Fabula; terror facit aut nimius clamor.

An lunatici modica foramina tranſeant? Fictum. Non datur penetratio.

An Lynces videant per parietem? Non. Quia ſpecies non ab oculo ſed ab objecti quaſi ſuperficie procedunt, nec ultra ſpecies viſus fertur.

An dentur quadrupedia perfecta Viridia? Dantur Simij viriditate conſpicui. Seal. exerc. 114. Nam non uniformi terra omnia, alia ex humiliore, viriditas.

An dentur flores virides? Dantur. Craſſiores tamen ob craſſiorem humorem.

An pavo, ſi albo circumtegatur colore, pullos albos excludet? Affirmat Fernel. l. de Procreat. Hominis Fabula eſt. Non agitur hinc imaginatione ſed calore, qui etiam à fornace æque eſt efficax: in hoc negotio.

Chamæleon an ſolo aëre vivat? Captat muſcas linguam ciaculando Radium in per.

Viperæ an eroſo ventre Matrum naſcantur? Aliud expertus Scal. 199.

An roſæ Hierichuntinæ nocte Nativitatis Dominicæ quamvis exſuccæ floſceant? Spectavit id per annos plures Drexelius in Aurif.

Glacies

**Glacies an ex frigore?** Nascuntur striæ, & in fornaculis chymicis in medio ignium: siccitas concurret.

**Vtrum omne animal inferiorem tantum mandibulam moveat?** movet crocodilus & phitacus superiorem.

**An omnis avis primo ponat ova, post excludat pullos?** De vulture narrant Historiæ quod statim pullos excludat.

**Vtrum naves ita ferantur plenis velis, ut sagittam possint assequi?** Observantur Hollandi ut scribit Fromondus l. de imob. terræ non plus quam duo magna mill. Germ. Intra horam conficere, seu passus 9000.

**An verum, laurum fulmine non tangi?** Vicomercatus vidit Laurum fulminatam.

**An omnia ossa exurantur?** Ait Andr. Laur. dentes ex incendio manere, eos neq; sarcophago lapide consumi.

**An coralliium sub aquis molle?** Exploravit Begvinus l. 12. c. 10, semper durum invenit.

**An Crytallus ex glacie?** Nascitur ubi ignota etiam glacies.

**An verum sit sepulchrum Mahometis vi Magnetum pendere in aëre?** Potest ferrum ita pendere ut Magnetem contingat, sed hoc modo non potuisset ille impostor plebi illudere cum enim tumba ferrea adhereret fornici è Magnetibus compacto quisq; suspicaretur, eam desuper annexam vinculis. Ut verò inter medios magnetes æquè ad se trahentes penderet fuisset grandis impostura. Sed ex multis capitibus uti expertus Cabæus factu impossibilis. Nam magnetes præcisè æqualium virium esse debent. Virtutis tractivæ sphaera in similib. punctis concurrere æviam motus

**Vtrum vera sunt quæ de gemmis jactantur?** Quod v. g. fulmina prohibeant sapientiam, prophetiam comparent. &c. nugæ sunt Chaldæorum.

**Quare aliquæ arbores semper virent, ut Cupressus, pinus &c.?** Non est causa siccitas. Nam Amygdalus junior non amittit frondes hyeme, senior amittit, quæ tamen siccior. Neq; calor quia Cupressus frigida. Sed hoc evenit in ijs, in quibus aliqua ratione fieri potest, ne humor ab arboris matrice ad folium transfusus intercipiatur quia succus frigore nec consumi, nec prohiberi potest, ita viscus autumnali frigore est lætissimus.

**Quare aliqui flores aperiuntur orto sole, contracti noctur?** Quia humorei suscepto, atq; moto remitti in latitudinem est necesse. **Quare alij clauduntur?** Qui parum obtinent humidi, ab eunibus particulis calore digestis, facile clauduntur: quia curvantur,

curvantur

vantur autem rarefactis meatibus, necesse est in abeuntium partium loca vacua solidas partes succedere, condensatur ergo superficies, ided fit brevior.

Verum aliqua avis venenosa? Nulla verè avis seu plumata, verùm multa infecta volant, ut scorpionum quædam species.

Quare venenata in desertis locis habitant? Quia loca à venenatis inficiuntur ne apta sint habitationi hominum.

## Paradoxa.

**C**anis dejectus ex altissima turri, non cadit in terram  
Luna in Novilunio non minùs lucis habet, quàm in Plenilunio.

Æquus atq; bonus vir, non debet esse Grammaticus.

Civitas non potest constare solis divitibus.

Pueri non possunt esse beati.

Mali non abuntur virtutibus.

Magis dissident vitia cum vitijs, quàm cum virtutibus.

Nemo Philosophus noctem vidit.

Ebrii plura vident.

Potest quis mentiendò ipsissimam veritatem dicere.

## Parerga.

**P**ossunt navigantes in mari iter dimeri nomine ad id attendente.

Potest compassum in mera umbra horas indicare.

Possunt fructus arborum nasci figurâ Angelorum.

Datur aqua quæ non madefacit.

Potest per aquam dignosci purum Metallum, ab impuro.

Potest quis dentibus audire.

Potest ignis colorari.

Potest ex flamma extrahi cera.

Potest ponderari fumus.

Potest cera semel exusta iterum ardere.

# Propositiones Mathematicæ de Cœlo supremo.

**V**elocitatem quam habent Beati ex dono vigilantis conjectari. Beatus cum accedere possit alterum, etiam per diametrum Cœli à se distantem, & spectet hoc ad complementum felicitatis, suppositâ minimâ concavi empyrei, à nobis distantia ex Ptolomæo semidiametrorum terræ 45225. si singulis diebus mill. Germ. 10 conficeret, non nisi 66 millibus annorum ac 978 annis & 326 diebus elapsis ad alterum perveniret erga eum probabile sit intra brevissimum tempus, ac quasi instantaneè perventurum: Velocius incomparabiliter scloporum globis, fulmine, sole & quovis alio motu ferentur. Veritas huius propositionis patet. Ex semidiametro cœli convexi colligitur Diameter, hinc circumferentia mill. Germ. 24 443 3060. ex quibus ad intentum devenitur & tandem liber exclamare Baruch. 3. *O Israel quam magna est Domus Dei & ingens locus possessionis ejus* Et illud. 1. Cor. 15. *Seminatur in infirmitate surget in virtute.*

*Quantum iter conficiunt Angeli Custodes cum ad nos de cœlo descendunt.* Assumo & hâc distantiam cœli convexi primi mobilis Ptolomæicam quæ est minima, conficiunt mill. Germ. 3 889 3500, hæc miliaria etiam si 10 diebus singulis ab aliquo decurrerentur pro integro itinere requirunt annos 1 0655. Dies 075.

3. *Quantum temporis Lucifer in suo lapsu consumpsisset, se instar lapidis (dato æquabili motu,) ruisset de cœlo.* Do lapidem 50. pedes Geometricos decurrere intra unum arteriæ pulsum, qui æquatur minuto secundo Horatio (licet multo pauciores decurrat) itaque 600 pedes transibit 10 secundis sive unâ quintâ minuti, ergo in uno minuto transibit ter mille pedes Geometricos, & in 10 minutis trigiesies mille, & in 20 sexagesies mill. Cum igitur quinque pedes faciant unum passum Geometricum & 1000 passus Geometrici unum mill. Ital. & quatuor Italica unum Germanicum, ergo lapis intra 20 minuta absolvet 12. Ital. mill. sive tria Germ. mill. Dico ergo, tria dant 20. quid dabunt 3 889 3500? dabunt 259 229 0000. minuta, quæ divide per 60 dabunt horas 432 1500 hæc divide per 24 dabunt dies 18 0062, hi divisi per 365 dabunt annos 495 dies 117. Ergo  
Lucifer

Lucifer si ruit ut lapis intra tantum tempus decidit, si verò intra triduum iter suum peregit, millaria in diem 1 296 4500. confecit.

## Similitudines Ethicæ.

**I**Ra debet esse ut canis, hostem etiam blandientem invadat, amico vel percutienti parcat.

Fortis viri est non deserere vitam, arena enim est certaminis, nisi vocatus, eâ decedat athleta.

Juvenum consilia non secus ac medicorum inexpertorum suspecta esse debent.

Honor est sicut vestis, deformat si malè congruat.

Non unus Jason est, qui aurum pro uxore quærit, & pro dote uxorem, sed nec unus qui Medeam invenit.

Mendax, ut fallax mercator, seipso neminem magis fallit.

Parvi animi est ad alta conscendendo scalam adulationis applicare magnus animus seipso attingit.

Harmoniam deesse vult, qui plebeios spernit; chordæ & illi ejusdem cytharæ licet tenuiores.

Magistratus per malas artes quæsit, sunt sicut latronum pecunia, bonis non administrantur.

Multi privato majores, quamdiu privati & digni magistratu, nisi illum gesserint, & hoc esse trabem cariosam quæ pondere prodit latens vitium.


## Hermes in fine Asclepij.

Dictum est de singulis ut humanitas potuit ut voluit permisitq; Divinitas. Restat hoc solum nobis, ut benedicamus DEVM.

✠ (o) ✠



6.  
T  
a  
p  
u  
E  
ph  
A  
I  
I  
I



Biblioteka Jagiellońska



stdr0029395

